

唐詩別裁集

六

重訂唐詩別裁集目次

卷十三

七言律詩

沈佺期 七首

杜審言 一首

李嶠 一首

宗楚客 一首

宋之問 一首

蘇頲 三首

李邕 一首

張說 一首

賈曾 一首

崔顥 二首

張諤 一首

祖詠 一首

崔曙 一首

李愷 一首

王維十一首

孟浩然一首

李頎七首

高適三首

岑參六首

萬楚一首

張謂三首

李白四首

杜甫三十一首

重訂唐詩別裁集卷十三目次終

重訂唐詩別裁集卷十三

長洲沈德潛歸愚選

七言律詩

沈佺期

龍池篇

新書禮樂志帝賜第隆慶坊坊南地變為池即位後作龍池樂姚崇佺期等共作樂章十章此係第三章

龍池躍龍龍已飛龍德先天天不違池開天漢分

黃道龍向天門入紫微邸第樓臺多氣色君王鳧

鴈有光輝為報寰中百川水來朝此地莫東歸

經語入詩

體格亦復超拔一結有萬國來朝之意

古意

樂府作獨不見

盧家少婦鬱金香。海燕雙棲玳瑁梁。九月寒砧催木葉。十年征戍憶遼陽。白狼河北音書斷。丹鳳城南秋夜長。誰為含愁獨不見。更教明月照流黃。盧家少

婦起興言夫婦相守猶雕梁之燕也下就分離言。樂府盧家蘭室桂為梁中有鬱金香蘇合香應是鬱金香別本作堂者非

### 奉和立春遊苑迎春

初唐七律事多而寡用之情多而簡出之特每篇結句不無淺

率之弊為風氣所囿耳後人一槩抹煞如何平允

東郊暫轉迎春仗。上苑初飛行慶杯。風射蛟冰千片斷。氣衝魚鑰九關開。林中覓艸纔生蕙。殿裏爭花併是梅。歌吹銜恩歸路晚。樓烏半下鳳城來。

### 興慶池侍宴應制

即龍池此侍宴泛舟而作

碧水澄潭映遠空。紫雲香氣御微風。漢家城闕疑  
天上。秦地山川似鏡中。向浦迴舟萍已綠。分林蔽  
殿槿初紅。古來徒羨橫汾賞。今日宸遊聖藻雄。

即漢武秋風辭

奉和春初幸太平公主南莊應制

公主武后所生后愛

之過於諸女睿宗即位主權震天下元宗立主以謀逆賜死

主家山第早春歸。御輦春遊繞翠微。買地鋪金曾  
作埽。尋河取石舊支機。雲間樹色千花滿。竹裏泉  
聲百道飛。自有神仙鳴鳳曲。併將歌舞報恩暉。

遙同杜員外審言過嶺

天長地濶嶺頭分。去國離家見白雲。洛浦風光何

所似崇山瘴癘不堪聞。南浮漲海人何處。杜望衡

陽鴈幾羣。兩地江山萬餘里。何時重謁聖明君。徐期流驩

州審言流峰州南北分飛同時過嶺而作。聖明君似俚然劉禎有將湏聖明君句

### 再入道場紀事應制

南方歸去再生天。內殿今年異昔年。見闢乾坤新

定位。看題日月更高懸。行隨香輦登仙路。坐近鑪

煙誦法筵。自喜恩深陪侍從。兩朝長在聖人前。雲卿于流

竄後召入故云應是中宗初復位時

### 杜審言

春日京中有懷

今年遊寓獨遊秦。愁思看春不當春。上林苑裏花  
徒發。細柳營前葉漫新。公子南橋應盡興。將軍西  
地幾留賓。寄語洛城風。日道明年春色倍。還人。造語  
新異

以後人熟誦不覺耳。明年春色恐未還人奈何。

李嶠

奉和初春幸太平公主南莊應制

主家山第接雲開。天子春遊動地來。羽騎參差花  
外轉。霓旌搖曳日邊迴。還將石溜調琴曲。更取峰  
霞入酒杯。鸞輅已辭烏鵲渚。簫聲猶繞鳳凰臺。以織女比公主。初唐每多對結。

宗楚客



奉和辛安樂公主山莊應制

公主亦武后女

玉樓銀榜枕嚴城。翠蓋紅旂列禁營。日映層巖圖畫色。風搖雜樹管絃聲。水邊重閣合飛動。雲裏孤峰類削成。幸覩八龍遊閬苑。無勞萬里訪蓬瀛。八句皆對

能以壁瓦寔勝人

### 宋之問

嵩山石淙侍宴應制

此武后遊幸石淙而作也。上有御詩。下多諸臣和作。狄人傑宋

環張昌宗易之。並列今碑尚留嵩山

離宮秘苑勝瀛洲。別有仙人洞壑幽。巖邊樹色含風冷。石上泉聲帶雨秋。鳥向歌筵來度曲。雲依帳

殿結為樓。微臣昔忝方明御。今日還陪八駿遊。

蘇頌

奉和春日幸望春宮應制

東望望春春可憐。更逢晴日柳含烟。宮中下見南

山盡城上平臨北斗懸。細艸偏承迴輦處。飛花故

落舞觴前。宸遊對此歡無極。鳥弄歌聲雜管絃。

興慶池侍宴應制

降鶴池前迴步輦。栖鸞樹杪出行宮。山光積翠遙

疑逼。水態含青近若空。直視天河垂象外。俯窺京

室畫圖中。皇歡未使恩波極。日暮樓船更起風。

重丁唐詩別裁集 卷十三 教忠堂

扈從鄆杜間奉呈刑部尚書舅崔黃門馬

常侍

翠輦紅旗出帝京。長楊鄆杜昔知名。雲山一一

皆美竹樹蕭蕭畫不成。羽騎將過持袂拂。香車欲

度捲簾行。漢家曾艸巡遊賦。何似今來應聖明。

李

邕

字太和揚州人善之子李嶠薦拜左拾遺元宗時為御史中丞出為北海太守李林甫忌其名傳以罪遣御史

杖殺之。邕長碑頌文尤工八法中朝衣冠及天下寺觀多求其文至今有流傳者

奉和初春幸太平公主南莊應制

傳聞銀漢支機石。復見金輿出紫微。織女橋邊烏鵲起。仙人樓上鳳凰飛。流風入座飄歌扇。瀑水當

階濺舞衣今日還同犯牛斗乘槎共泛海潮歸初唐應制

以已扈從言。應起句非複也。多諛美之詞。况當武后中宗朝。又天下穢濁時也。衆手雷同。初無頌不忘規之意。故不能多錄。取鐵中錚錚者。幾章以備一體。

### 張說

### 滄湖山寺

空山寂歷道心生。虛谷迢迢野鳥聲。禪室從來雲外賞。香臺豈是世中情。雲間東嶺千重出。樹裏南湖一片明。若使巢由同此意。不將蘿薜易簪纓。巢由當捐

終南捷徑一輩人不然。豈有輕視天下者而不能忘情于簪纓耶。諸家解說未穩。

賈曾 曾洛陽人。景雲中為員外郎。開元中從諫議大夫坐事。貶復遷禮部侍郎。

奉和春日出苑囑目應令 秦法太子稱令

銅龍曉闢問安迴金輅春遊博望開渭水晴光搖  
草樹終南佳氣入樓臺招賢已從商山老託乘還  
徵鄴下才臣在東周獨留滯忻逢瘠藻日邊來

題本出苑

而起句先說問  
安發端正大

### 崔顥

#### 黃鶴樓

在武昌

昔人已乘黃鶴去此地空餘黃鶴樓黃鶴一去不  
復返白雲千載空悠悠晴川歷歷漢陽樹芳艸萋  
萋鸚鵡洲日暮鄉關何處是煙波江上使人愁

意得象先

神行語外縱筆寫  
去遂擅千古之奇

行經華陰

因華山在前故縣名華陰

岵堯太華俯咸京。天外三峰削不成。

太華。三。峰。如削。今反云削不成。

欲散仙人掌上雨。初晴河山北枕秦關險。驛路西

連漢時平。借問路傍名利客。何如此處學長生。

三峰謂美

蓉明星玉女。漢五帝時在岐州雍縣南時神靈所止也。

張

諤 諤景龍進士第岐王範好士與閻朝隱劉廷琦鄭繇等飲酒賦詩駙馬都尉裴虛已善識緯坐私與範遊徙嶺

南廷琦貶司戶諤山莊丞然明皇於範無聞也

九日

秋天林下不知春。一種佳遊事也均。絳葉從朝飛。著夜黃花開日未成句。將橫陌樹頻驚馬。半醉歸

重訂唐詩別裁集 卷十三 六 教忠堂

重訂唐詩別裁集 卷十三 六  
途數問人城遠登高併九日。茱萸凡作幾年新。

祖詠

望薊門

燕臺一去客心驚。笳鼓喧喧漢將營。萬里寒光生積雪。三邊曙色動危旌。沙場烽火侵胡月。海畔雲山擁薊城。少小雖非投筆吏。論功還欲請長纓。

崔曙

九日登望仙臺呈劉明府

神仙傳河上公授漢文老子而去所在帝於西山築臺均王之

筭拔漢文皇帝有高臺。此日登臨曙色開。三晉雲山皆北向。二陵風雨自東來。關門令尹誰能識。河上仙

翁去不回。且欲近尋彭澤宰。陶然共醉菊花杯。一氣轉合

就題  
有法

李 橙 橙太原人以明經舉開元中為監察御史天寶中累官禮部尚書祿山亂遇害謚忠懿

奉和聖製從蓬萊向興慶閣道中留春雨

中春望之作應制

別館春還泚氣催。三宮路轉鳳凰臺。雲飛北闕輕陰散。雨歇南山積翠來。御柳遙隨天仗發。林花不待曉風開。已知聖澤深無限。更喜年芳入睿才。首句蓬萊

次句向興慶三四雨中  
五六春望結羨御製

王 維



奉和聖製從蓬萊向興慶閣道中留春雨

中春望之作應制

渭水自縈秦塞曲。黃山舊繞漢宮斜。鑾輿迴出千

門柳。閣道迴看上苑花。雲裏帝城雙鳳闕。雨中春

樹萬人。家為乘陽氣行時。令不是宸遊玩物華。應制詩應

以此篇為第一

敕賜百官櫻桃

芙蓉闕下會千官。紫禁朱櫻出上蘭。纔是寢園春

薦後。非關御苑鳥銜殘。歸鞍競帶青絲籠。中使頻

傾赤玉盤。飽食不須愁內熱。大官還有蔗漿寒。起句

敕賜